

Verkmenntaskóli Austurlands (VA), kt. 520286-1389 og mennta- og menningarmálaráðuneytið (ráðuneytið), kt. 460269-2969, gera með sér eftirfarandi skólasamning:

1. Tilgangur

Samningurinn er skv. 2. mgr.44.gr.laga um framhaldsskóla nr. 92/2008 með síðari breytingum.

Samningurinn er um það hvernig VA uppfyllir lögboðið hlutverk, helstu áherslur og markmið í starfsemi hans, námsskrá, námsframboð, kennslufyrirkomulag, mat og eftirlit með gæðum starfseminnar og önnur mikilvæg atriði í starfseminni.

Samningurinn er jafnframt liður í áætlanagerð og eftirfylgni samkvæmt reglugerð nr. 1061/2004 um framkvæmd fjárlaga og ábyrgð á fjárreiðum ríkisstofnana.

Tilgangurinn er að stuðla að metnaðarfullri og markvissri framþróun skólans í þágu nemenda með vandaðri stjórnun og virkum samskiptum samningsaðila.

Samningurinn hefur ekki áhrif á lagalegar skyldur, ábyrgð og heimildir aðila svo sem yfirstjórnunarheimildir ráðherra.

2. Hlutverk og megináherslur

Hlutverk framhaldsskóla er tilgreint í 2. gr. laga nr. 92/2008 og skal starfsemi VA þjóna því.

Einkunnarorð skólans eru: SAMVINNA - ÞEKKING –ÁRANGUR

Skólinn hefur að leiðarljósi þá grunnþætti menntunar sem tilteknir eru í aðalnámskrá framhaldsskóla: Læsi, sjálfbærni, lýðræði og mannréttindi, jafnrétti, heilbrigði og velferð ásamt sköpun.

Handwritten signatures and initials.

Skólinn leggur áherslu á að bjóða upp á fjölbreytt nám og mæta ólíkum áhugasviðum og hæfileikum nemenda. Sérstakt tillit er tekið til austfirks samfélags í skólastarfinu og því er mikilvægt að byggja upp góð tengsl við aðra skóla, fyrirtæki, stofnanir og félagasamtök í landshlutanum og vera fyrsti valkostur nemenda í Fjarðabyggð til náms á framhaldsskólastigi.

Verkmenntaskóli Austurlands er eini skólinn á austanverðu landinu sem gefur nemendum kost á að leggja stund á nám á iðn- og starfsnámsbrautum auk bóknámsbrauta. Þessi sérstaða skólans krefst þess að markvisst sé unnið að kynningu á því námi.


Í skólastarfinu er leitast við að veita góða kennslu, auka víðsýni nemenda, hvetja til gagnrýnninnar og skapandi hugsunar, efla samvinnu og tillitssemi og hvetja til virðingar fyrir umhverfi og samfélagi. Jafnframt er lögð áhersla á að nemendum gefist tækifæri til þátttöku í heilbrigðu og þroskandi félagslífi. Þá vill skólinn veita nemendum stuðning eftir þörfum og sem fullkornasta aðstöðu til náms og félagslegra athafna. Allar þessar áherslur styðja við þá stefnu skólans að draga markvisst úr brotthvarfi.

Þessu hlutverki hyggst skólinn sinna með því að bjóða upp á sem fjölbreyttasta kennsluhætti sem hæfa viðfangsefni kennara og nemenda hverju sinni.

Þetta hyggst skólinn gera með því að:

- leitast við að ráða til starfa fólk með góða menntun, hæfni og áskilin starfsréttindi,
- hvetja starfsfólk til að afla sér viðbótar- og endurmenntunar,
- leitast við að bjóða upp á endurmenntun starfsfólks í heimabyggð eftir því sem aðstæður leyfa,
- bjóða kennurum og öðru starfsfólki upp á góða vinnuaðstöðu,
- bjóða nemendum upp á góða aðstöðu til heimanáms og verkefnavinnu,
- bjóða kennurum og nemendum upp á gott aðgengi að tölum, tækjum og verkfærum sem eru í takt við kröfur tímans.

W 7.7.

Skipurit skólans:**3. Viðfangsefni**

VA stuðlar að markvissri framþróun með útgáfu skólanámskrár, setningu námsbrautalýsinga og ástundun virks innra mats, samkvæmt lögum um framhaldsskóla. Jafnframt birtir skólinn á aðgengilegan hátt á vef sínum áherslur skólans, einkenni, starf innan hans og árangur af starfi.

a) Skólanámsskrá og námsframboð

- i. <http://www.va.is/skolanamsskra>
- ii. Námsbrautir við VA:
<http://www.va.is/is/namid/namsbrautir>

b) Skólabragur

Reglur, stefnur og áætlanir:

<http://www.va.is/is/skolinn/skolanamskra/aaetlanir-og-stefnur>

Jafnréttisstefna:

<http://www.va.is/is/skolinn/skolanamskra/aaetlanir-og-stefnur/jafnrettisstefna>

Handwritten initials and a signature.

Heilsustefna:

<http://www.va.is/is/skolinn/skolanamskra/aaetlanir-og-stefnur/heilsustefna-verkmenntaskola-austurlands>

Forvarnarstefna:

<http://www.va.is/is/skolinn/skolanamskra/aaetlanir-og-stefnur/heilsustefna-verkmenntaskola-austurlands>

Umhverfisstefna:

<http://www.va.is/is/skolinn/skolanamskra/aaetlanir-og-stefnur/umhverfisstefna>

Skilgreining á einelti og áætlun um meðferð eineltismála:

<http://www.va.is/is/skolinn/skolanamskra/aaetlanir-og-stefnur/skilgreining-a-einelti-og-medferd-eineltismala>

c) Innritun og brotthvarf

<http://www.va.is/is/namid/innritun-og-inntokuskilyrði>

d) Kennslufyrirkomulag

<http://www.va.is/is/skolinn/skolanamskra/syn-og-markmid/nam-og-kennsla>

e) Nemendur með sérþarfir

Skólinn býður upp á fjögurra ára nám á starfsbraut sem ætluð er nemendum sem koma úr sérdeildum grunnskóla og þeim uppfylla ekki inntökuskilyrði í framhaldsskóla. Um einstaklingsbundið nám er að ræða þar sem opið er fyrir þann möguleika að nemendur geti einnig stundað nám í áföngum af öðrum námsbrautum skólans allt eftir stöðu hvers og eins. Hluti nemenda stundar nám í einstökum áföngum í verknámsdeildum skólans. Þá er mjög gott samstarf við fyrirtæki og stofnanir á svæðinu um starfsþjálfun á vinnustað sem oft hefur skilað nemendum framtíðarstarfi.

Nemendum með annað móðurmál en íslensku hefur staðið til boða að stunda nám í íslensku fyrir útlendinga. Þá hefur móðurmál þeirra verið

49 707

metið í stað Norðurlandamáls. Þá eru dæmi um að annað tungumál viðkomandi hafi verið metið í stað þriðja tungumáls.

f) Mat og eftirlit með gæðum

<http://www.va.is/is/skolinn/skolanamskra/syn-og-markmid/starfsandi-og-mannaudur>

4. Sérstök rekstrarverkefni

Skólinn rekur heimavist fyrir nemendur utan Norðfjarðar. Mötuneyti er í heimavistinni fyrir alla nemendur skólans sem það kjósa. Starfsmenn skólans hafa einnig aðgang að mötuneytinu. Heimavistin er í um 5 mínútna gangfæri frá skólabyggingunum.

5. Markmið og tímabundin verkefni

Samningi þessum fylgir viðauki þar sem markmið skólans til næstu ára skulu sett skipulega fram. Jafnframt skal gerð grein fyrir tímabundnum verkefnum sem er unnið að í þágu einstakra markmiða, enda falla þau innan tímabils samningsins. Viðaukann skal endurskoða og uppfæra árlega, með tilliti til framvindu markmiða, tímabundinna verkefna og aðstæðna skólans.

a) Markmið

Markmið skólans taka mið af þörfum hans og samfélagsins á hverjum tíma. Þá eru þau grundvölluð á áherslum í starfsemi hans og skyldunni til að uppfylla lögboðin viðfangsefni menntunar sem birtast í aðalnámsskrá framhaldsskóla.

b) Tímabundin verkefni

Tímabundin verkefni VA styðja við hlutverk skólans og markmið hans. Njóti verkefni fyrirgreiðslu ráðuneytisins eða fjárstyrks, skal ganga frá slíku skriflega eða í samningi áður en verkefni hefst.

6. Samskipti

49 77

Í samræmi við 44. laga um framhaldsskóla nr. 92/2008, með síðari breytingum, fara samningsaðilar árlega yfir framkvæmd þessa samnings með áherslu á viðauka sem vísað er til í 5. grein. Ráðuneytið boðar reglulega fundi um samninginn þar sem einnig er farið almennt yfir starfsemi og rekstur VA. Báðir aðilar geta óskað eftir fundum um einstök mál.

Reglubundin upplýsingamiðlun og umfjöllunarefni vegna samskipta:

a. Verkmenntaskóli Austurlands

- Birtir skólasamning þennan og viðauka við hann á aðgengilegum stað á vef sínum.
- Birtir upplýsingar um innra mat á starfi skólans skv. 3. gr. reglugerðar um innra mat og eftirlit í framhaldsskólum nr. 700/2010 og skilar ráðuneytinu upplýsingum um innra mat á næstliðnu (skóla)ári.
- Birtir á vef sínum skýrslur um ytra mat á skólanum, m.a. það sem fram fer skv. 4. gr. reglugerðar nr. 700/2010.
- Skilar ráðuneytinu ársskýrslu fyrir liðið ár skv. 7. gr. reglugerðar 1061/2004 um framkvæmd fjárlaga og birtir hana á vef sínum.
- Skilar ráðuneytinu greinagerð um tímabundin verkefni, samkvæmt nánari ákvörðun ráðuneytis.
- Þróar námsbrautarlýsingar og skráir í miðlægan námskrárgrunn og sækir um staðfestingu ráðuneytis á þeim skv. 23. gr. laga um framhaldsskóla.
- Skilar áætlunum og upplýsingum um fjármál í samræmi við reglugerð um framkvæmd fjárlaga nr. 1061/2004 og eftir því sem nánar er ákveðið.
- Skilar ráðuneytinu upplýsingum vegna fjárlagagerðar að ósk þess.
- Gætir þess að fjárhagsbókhald skólans sýni rétta fjárhagsstöðu á hverjum tíma.
- Gætir þess að rekstrarútgjöld séu í samræmi við samþykkt áætlun í lok hvers tímabils innan ársins og skýri ráðuneytinu tafarlaust frá ástæðum frávíka og um viðbrögð við þeim sbr. 12. og 15. gr. reglugerðar nr. 1061/2004 um framkvæmd fjárlaga.

b. Mennta- og menningarmálaráðuneytið

- Yfirfer skýrslur um innra og ytra mat á starfi skólans, ársskýrslur og aðrar upplýsingar sem því berast um skólastarfið.
- Birtir á vef sínum skólasamning þennan og viðauka við hann.

- Birtir á vef sínum skýrslur um ytra mat á skólanum, m.a. það sem fer fram skv. 4. gr. reglugerðar nr. 700/2010.
- Getur birt ársskýrslur skólans á vef sínum sem og aðrar upplýsingar sem erindi eiga við almenning.
- Ákveður framhald tímabundinna verkefna og öðlast rétt til notkunar niðurstaðna.
- Staðfestir námsbrautir sem uppfylla skilyrði og skólinn hefur heimild fyrir.
- Byggir tillögur til fjármálaráðuneytis, um framlag til skólans í fjárlögum, á reiknireglum skv. 43. gr. laga um framhaldsskóla (sem m.a. taka mið af spá um ársnemendafjölda), og umfangi markmiða og sérstakra verkefna. Endurmetur framlag með tilliti til rauntalna.
- Annast formleg samskipti við Alþingi vegna fjárlagagerðar.

7. Gildistími og endurskoðun

Samningurinn gildir frá 1. janúar 2013 til 31. desember 2015.

Hvor samningsaðili fyrir sig getur hvenær sem er óskað eftir endurskoðun á samningnum í heild eða einstökum köflum hans.

Samningurinn er gerður í tveimur samhljóða eintökum og heldur hvor samningsaðili sínu eintaki.

Reykjavík 21/3 2013
Staður og dagsetning

Katrín Jakobsdóttir Þorbjörn Jónsson
Mennta- og menningarmálaráðherra Skólameistari